

# INUIT ATAQATIGIIT INATSIARTUNI



UKA2024/23

26.092024

Mikivsuk Thomassen

**Kalaallit Nunaanni sulinermi ajoqusernermut isumannaarineq pillugu inatsisip allanngortinneqarnissaa pillugu Inatsisissamut Siunnersuummut allaqqaakkamut Namminersorlutik Oqartussat akuersissuteqarnissaat pillugu Inatsisartut aalajangiiffigisassaannut siunnersuut (Nalunaarutiginninnermut malittarisassanik naligiissaarineq, sulinermi ajutoornerit il.il. pineqartillugit akuersaarnissamut apeqquummik sukanganginnerusumik nalilersuineq)**

(Isumaginninnermut, Ilaqutariinnermut, Suliffeqarnermut Nunamullu Namminermut Naalakkersuisoq)

Sulinermi ajoqutsersinnaaneq sukkulluunniit pisinnaavoq timikkut tarnikkullu peqqikkaluaraanniluunniit aqqusaarneqarsinnaasarluni.

Maannakkullu inatsisaasut malillugit periarfissaavoq ajoqusernermut isumannaarnissaq ajoquseriataarnissammut sulinermi nalaani ajoqusissagaanni, periarfissalli annertusartuarnissaat pingaaruteqarluni.

Nalunaarutiginninneq ilaatigut ajornarsinnaasarpog periarfissaasut apeqqutaatillugit naak periarfissaagaluartog, ilaatigut eqqaasinnaavara inoqarfinni mikinerniillu toqqaannartumik oqaloqatigisinnaasat aporfiusarput naak pingaaruteqaraluaqisut qanimut oqaloqatiginninnerit ajoquseqqanermi.

Ukiuni kingullerni siullernermi ajoqusersimasut arlaqarput, ajoraluartumik toqukkut kinguneqarsimasunik. Tamanna nunami immamilu sulisuni pisarpoq. Nunatta aningaasarsiorluarnerani sanaartorfiunerani ajoqusernerit arlaqartut ilisimavagut,

Danskit naalakkersuisuisa sullivinnik nakkutilliisoqarfik akisussaaffigaat. Nittartagaanni takuneqarsinnaavoq qisuariaatit soorlu ilitsersuinerit, inassummut pisussaaffiliussanut aamma inassitinut ingerlaannaq iluarsiasanut 250-450-illu missaanni suliaqartarlutut. Taamaattorli sullivinnik nakkutilluusoqafiup suliaani takujuminaappog sumi sukkullu iliuuseqarfigneqartussatut siunniussa qarisarneraat. Matuamni aamma suliffinnik avatagiisinik nakkutiginnittussatitaanerit eqqarsaatigalugu.

Matumani ersarissuusariaqarsoraara nunatsinni inatsisiliatta aamma sullivinnik nakkutilliisoqarfiup suliaanut naapertuunnersut eqqumaffigissallugu aamma

# INUIT ATAQATIGIIT INATSIARTUNI



naalackersuisoqarfiup sullivinnik nakkutilliisorqarfimmut suleqateqarnera ingerlasarsarnera ersarissuutissallugu. Matumani tamassuma ersarinnerulernissaa naalackersuisunut kaammattuutingaara.

Aasaq manna paasereerparput ajornanngippallaamik suliffeqarfittut inissillutik kangianiit tikisitsillutik suliffeqarfinnik pissusissamisuunngitsumik ingerlatsisoqartoq.

Inuit Ataqtigiinni naalackersuisutulli isumaqarpugut tassalu sullivinni ajutoortoqarsimatillugu taarsiivigitittarnerit ajutoorsimasumut pisariittumik ingerlasarnissaat. Sulisartut toqqissillutik sulissapput, illersorneqartutut aamma misigisimallutik.

Tusarniaanermi akissutigineqarsimasut ataatsimut allattorneqarsimasut takuneqarsinnaavoq tusarniaassutulli tamakkiisumik ilanngunneqarsimanngitsut ilanngullugit ataatsimiitalimut tunniunneqassasut pisariaqarpoq. Inuit Ataqtigiinni isumaqarpugut suliat danskit oqartussaaffiata ataaniikkaluartulluunniit kattuffiit tusarniarneqarsimasut tamarmik akissutaasa suliamik tamakkiisumik isiginnilluni ilanngunneqarlutik inatsisartunut saqqummiunneqartassasut.

Inuit Ataqtigiinnit taama oqaaseqarluta siunnersuutigineqartoq isummerfigilluarnissaa siunnertaralugu aappassaaneernejartinnagu Ilaqtariinnermut Peqqissutsimullu ataatsimiitiamiat innersuupparput.